

TE HEHEURAA API.

I neineihoa i te piha neneiraa a te Ekalesia a Iesu Mesia i te Feia Mo'a i te Mau Mahana Hopea Nei, i Papeete, Tahiti, i te mau fenua Sotaiete, i te mau avae atoa. Te hoo, e piti farane i te matahiti hoê.

“Te faaroo nei matou i te mau parau i heheuhia mai e te Atua i mutaaihora, e te mau parau ta'na e heheu mai i teie nei, e te faaroo nei hoi matou e, e riro â Oia i te heheu mai i te hoê atu â mau parau maitai e te faufaa rahi no to'na ra basileia.”

Nu. 2.

10 Novema 1907.

Mat. 1.

Te Atua o te “Moromona.”

Ua uihia mai matou e, e huru ê anei to te Atua i haamorihia e te ekalesia “Moromona” i to tei haamorihia e te mau ekalesia Cherisetiano i roto i teie nei ao? E tia roa ia matou ia pahono e, E, e huru ê roa to te Atua i haamorihia e matou i to te mau Atua atoa i haamorihia e te mau ekalesia atoa o te ao nei. Te faaitohia nei i raro nei to'na huru-ê-raa i te tahi mau parau i haapiihia no'na. E na mua râ tatou i te feruri rii i teie nei mau parau iti poto e tia'i; oia hoi, ua faauehia tatou e faaau i to tatou huru i to'na, Mat. 5: 48, e na faaitohia mai tatou e te vai ra te tau e riro ai te feia haapao maitai mai te Mesia te huru, 1 Ioa. 3:2, e o te Mesia te hoho'a mau o te Metua i te mau mea atoa, Heb. 1: 3, e no reira i ite ai tatou e te vai ra te tau e riro ai tatou mai te Atua Metua te huru. Ua haapii-atoa-hia mai tatou

e, “Teie hoi te ora mure ore, ia ite ratou ia oe, i te Atua mau ra, e ia Iesu i te Mesia i ta oe i tono mai.” Ioa. 17:3.

Aita roa a tatou e faufaa i teie nei mau parau, maori râ ia itea to te Atua huru, e tia’i ia tatou ia faaaui i to tatou huru i to’na, e e itea’i te e’a e tae atu ai tatou i to’na ra i te mau mea atoa. No reira, aita’tu ia parau haapii rahi i te faaiteraa mai i te huru mau o te Atua, e tia’i ia tatou ia haamori atu ia’na ma te ite, e eiaha mai ta te ite ore ra, e i te faaaui maite-raa i to tatou huru i to’na, ia hoê tatou atoa i roto ia’na, e ia maitai roa tatou, mai ia’na e maitai roa ra.

TE ATUA I HAAMORIHIA E TE
EKALESIA A IESU
MESIA.

E ite, e paari, e mana e e aroha hope ore to’na.

E varua Oia.

E tino to’na, Exo. 24: 9, 10.

E hoho’a te tino taata no te Atua, Gen. 1: 27.

Ua hi’o Ioane i te Atua i nia i te terono, Apo. 5: 1, 7.

Ua paraparau oia ia Mose te vaha i te vaha, Num. 12: 7, 8.

Ua hi’o hoi Mose i to’na tua, Exo. 33: 20-23.

Ua papaihia na pāpā ofai e te rima o te Atua, Deut. 9: 10.

Ua ite Setephano i te Tamaiti i te tiaraa i te rima atoa o te Atua, Ohi. 7: 55, 56.

E faaroo te Atua i ta tatou pure, Iak. 5: 15.

E pahono mai te Atua i te pure faaroo i amuihia i te ohipa, Mat. 3: 17.

Ua hi’o te Atua i to’na mau ohi-

TE ATUA I HAAMORIHIA E TE
MAU EKALESIA CHE-
RISETIANO.

E ite, e paari, e mana, e e aroha hope ore to’na.

E varua Oia.

Aita o’na e tino.

Aita o te Atua varua e huru.

Aita o te Atua e huru ia hi’o.

Aita o’na e vaha.

Aita o’na e tua.

Aita o’na e rima.

Aita o’na e pae atoa e e pae au.

Aita o’na e taria ia faaroo Oia.

Aita o’na e arero ia parau Oia.

Aita o’na e mata ia hi’o Oia.

pa atoa i hamani, Gen. 1: 31.

Ia pee tatou i to'na taahiraa avae,
Eph. 5: 1.

Aita o'na e avae.

O VAI TE ATUA?

Te metua fanau a Iesu, te metua
o to tatou mau varua, te parahi ti-
no ra i nia iho i to'na ra terono, i te
faatereraa i te mau ao e te mau
ohipa atoa i roto ra.

E mea itea-ore-roa-hia to'na huru.

Aita anei teie huru haapiiraa i faahaehaa i te Atua e i faariro ia'na mai te taata repo nei te huru? Aita. E tino tahuti ore râ e te hanahana rahi to'na, e tino tahuti noa to tatou; E ite hope to'na, e ite pae tahi to tatou; E paari hope to'na, aita rea taata paari e hoê iti a'e; E mana hope to'na, aita reâ e mea i vî i te mana o te taata; E aroha hope ore to te Atua, ua anoihia to te taata aroha i te feii, te pipiri tao'a e te haavare. Na roto râ i teie nei huru haapiiraa e ite papu ai tatou e te vai ra te ravea e faateiteihia'i te taata, e riro ai oia mai te Atua te huru; oia hoi, na roto i te tia faahou-raa e faarirohia'i to'na ra tino tahuti ei tino tahuti ore hanahana rahi, e ore e pohe faahou; na roto i te haapii tamau e roaa'i ia'na te ite e hope roa'e; na roto i te haapao maitai e paari ai oia e tae noa'tu ua taea te î o te Mesia i te rahi; na roto i te ohipa tauturu noa ia vetahi ê e ore roa'i te feii, te pipiri tao'a e te haavare, e tupu râ te aroha o te taata mai to te Atua te huru.

O Iesu te hoho'a mau o te Atua i te mau mea atoa. Heb. 1: 3. E huru taata to Iesu ia hi'ohia'tu, e Atua râ oia. Hoê â ia to raua huru. Ia hoê atoâ to tatou atoa nei huru e ia au maite i to raua e tia'i. No reira a tia oe i nia e tera ra taata rave i te ino e, a faarue taue i ta oe na mau peu faaieie e te haaviivii, a haamana'o na e e tamarii oe na te Atua e tei roto ia oe te huero Atua, e na roto i te aroha tauturu o te Atua e tia ia oe ia faaau i to oe na huru ia au maite i to'na huru, oia hoi, ia riro oe ei Atua. O to'na ia

hinaarò mau, ia hoê atoâ tatou i roto ia'na. Ioa. 17: 20, 21.

Te haamori nei te ekalesia "Moromona" i te Atua o tei hamani i te fenua e te ra'i e te tai e te mau mea i roto ra, oia hoi, te Atua no Aberahama, e no Isaaka, e no Iakoba, te Atua o tei itea ia Iakoba te mata i te mata, Gen. 32: 29, 30, e o tei paraparau ia Mose mai te taata e paraparau i to'na ra hoa, Nu. 12: 7, 8, no'na mau te hoho'a i hamanihia'i te taata nei, Iak. 3: 9. Te haamori nei matou i te Atua e iteahia e te mata, Gen. 18: 1, e faarookia e te taria, Luk. 3: 22, e fâfâhia e te rima, Gen. 32: 24, 28, Ioa. 20: 27, e ore e haapi'opi'ohia te mana'oraa ia ferurihia to'na huru. E tia'i i te taata ia pure atu ia'na ma te ite papu e e pahonohia mai ta'na pure tia. E metua Oia no to tatou mau varua, e e tamarii tatou atoa nei na'na. E tino to'na e ore e tia ia'na ia parahi i na vahi e piti i te taime hoê, na roto râ i te Varua Maitai ua tae to'na mana i na hopea e maha o te fenua nei, e ua haamauhia te mau fetia o te ra'i i nia ra i to ratou mau e'a e te puai o ta'na ra parau. Ua hamanihia to tatou nei mau tino i te hoho'a o to'na ra tino, e tino tahuti ore râ e te hanahana rahi to'na. O to'na ia hinaaro mau, ia riro tatou mai ia'na atoa te huru; no reira, ia ite tatou i to'na ra huru mau e tia'i.

TE "MOROMONA."

O te haapaoraa "Moromona," o te hoê ohi ia i tanuhia e te rima o te Fatu; i faararirarihia i te toto o te feia mo'a e te mau peropheta; ua tupu mai te ruperupe rahi roa. Te toro noâ nei to'na aa i te vahi hohonu roa i te mau mahana atoa, e te hotu ruperupe mai nei to'na mau ohi. E ore ia e oriorio i te veavea ra o to hate tama'iraa mai; e ore ia e faea e te auahi ra o te riri o to teie nei ao; "O te mau raau atoa aore i tanuhia e tau Metua i te ao ra, e ihipapahia ia," Mat. 15: 13, e tupu râ teie nei "ohi paroo," Eze. 34: 29, oia hoi, "Te basileia o te ao," e toro to'na mau amaa rarahi i na hopea e maha o te fenua nei, e faahotu mai hoi i to'na "maa maitai," Iak. 5: 7, e tae noa'tu i te tau e tau mai ai to te ra'i i nia i to'na ra mau amaa, e ia noho to te ao atoa nei i raro a'e i to'na ra mârû haumârû.

TIHAERE W. PENEROSE, Aposetolo.

Eiaha e Vare.

Na te ekalesia i te Tuamotu: Ua faaroo matou e ua parare te parau i te Tuamotu, tei na ô ra e, ua faatupu matou i te teata i Papeete nei. E ere te reira i te parau mau. Eiaha outou e vare i te reira huru parau, o te enemi ia no te parau-tia o tei hinaaro e eiaha ia tupu te hoê noa'tu â ohipa e maramarama'i te aau taata, ia tapeahia-noa-hia râ te taata i roto i te pouri e te ite ore.

Teie râ te huru o te mau ohipa i ravehia i Papeete nei i teie nei mau mahana, oia hoi, te nenei nei matou i te tahi mau parau faaiteraa evanelia, e te tahi mau haapiiraa evanelia, e te tahi mau himene ei arueraa i te Atua, e "Te Heheuraa Apî." I te ahiahi o te mau mahana toru o te mau hebedoma atoa, ua haapaohia te hoê tairururaa taata i roto i te fare pureraa, tei parare te parau ra e e teataraa, mai teie râ te huru te faatereraa o te mau ohipa i reira.

Ua haamatahia ma te pure i te Atua, ua faataihia te hamonia, e ua himenehia e te mau orometua te tahi mau himene au maitai e faatupu i te hiaai i te maitai e te mana'o aroha i roto i te aau. Ei reira ua a'ohia te tahi mau parau no te mau ohipa i ravehia e Iesu, e aore râ ua tatarahia ta'na mau parabole, e aore râ ua faaitehia te huru o te mau ohipa i ravehia i Roto Miti, e aore râ ua tuuhia te parau i faaite i te huru o te mau pohe e tae i nia i te feia o tei pupuhi i te avaava, e inu i te uaina e te ava, e tei haere taiata noa, e ua tauturuhia teie nei mau parau atoa na roto i te mau hoho'a i faaitehia i nia i te ahu na roto i te hoê machine mori. Mai te mea e teata teie, e mea maitai ia te teata, e haapiihia'i te taata i te e'a e ora'i ratou i roto i te basileia o te Atua. Te faariro nei te feia parau-tia i te mau mea maitatai atoa ra ei maitai na ratou, e te faariro nei te fia mana'o ino i te mau mea maitatai atoa ra ei mea ino na ratou. Ua au te feia e haaparare i te parau tahitohito ra i te mau pharisea o tei ore i hinaaro e haapao i ta Iesu e aita hoi i hinaaro ia haapao vetahi ê i te reira. Mat. 23: 13. Eiaha e vare.

TE AROHA FAAORE HAPE.

(Iritihia mai no roto mai i te vea no te mau haapiiraa Sabati.)

“No te mea ua tae atu te hoê tamaiti, o Marere to’na i’oa, i te ahuru o to’na matahiti, e ua riro oia mai te taata paari te huru i to’na iho mana’oraa, ua mana’o ihora oia e ia aufauhia te moni na’na no te mau ohipa rii atoa no te utuafare ta’na i rave ra e tia’i, mai te mea ra e, ua riro na metua no’na ei amutarahu na’na. No reira ua papai oia i te hoê parau titau mai teie te huru i faaitehia i raro nei, tuu atura i raro a’e i te mereti a to’na mama i nia i te iri amuraraa maa. Teie te parau ta’na i papai, ‘Ua amutarahu mama ia Marere: no te tiiraa i te vahie, 15 pene; no te hamanipinepine-raa i te umu, 15 pene; no te haereraa i na tere iti e piti, 10 pene; no te mea ua haapao maitai, 10 pene; te taatoaraa, e 50 pene. A aufau mai oe i taua moni ra.’ Te hi’o ra te mama i taua parau ra, aita râ i parau noa’tu. Ia tae râ i te amuraa maa i te ahiahi, ite ihora Marere i e 50 pene i raro a’e i ta’na mereti, e te hoê parau tei papaihia, na ô maira te taioraa, ‘Ua amutarahu Marere ia mama: no to’na utuafare nehenehe i na matahiti 10,— aore; no ta’na mau maa atoa i amu,— aore; no to’na poihereraahia i te taime roa i ma’ihia’i oia,— aore; no to’na mau ahua apî nehenehe,— aore; no te mau mea maitatai e rave rahi i horoahia na’na,— aore; te taatoaraa, aore.’ Ua taio ihora taua tamaiti ra i taua parau iti ra, araara a’era to’na aau, ite ihora i to’na mana’o hape, oto roa ihora to’na aau, faaho’i atura i te moni i to’na mama, aroha roa atura ia’na, e ua na ô atura: ‘Ia faaore oe, e tau mama aroha e, i to’u hape rahi e to’u mana’o i no roa, e faatia mai â hoi oe ia rave tauturu noâ vau i te mau ohipa rii o te utuafare nei. E ore â vau e titau faahou i te moni no te reira.” No te aroha faaore-noa-i-te-hape a to’na mama i vî roa’i taua tamaiti ra e i tupu ai to’na aroha e to’na auraro, ma te haapao maitai, e ua rahi roa i to tei mutaa ihora. Na roto i te aroha i faaau-maite-hia, e vî roa’i te aau o te tamarii. E

faatupu te riri i te riri; e faatupu te mărû i te mărû.” “O ta te taata e ueue ra, o ta’na â ia e ooti mai.” E no reira ia hape te mana’o o ta tatou mau tamarîi, eiaha e parau riri atu, o te mea ia e taa ê roa’tu ai to ratou aau ia tatou nei, e imi râ i te hoê ravea paari e te mărû roa e tarapape ai te aau, mai ta te vahine i faaitehia i nia nei. Aita oia i parau riri, e ua noaa ta’na vahi i hinaaro, oia hoi ia haama ta’na tamaiti i to’na mana’o huru ê.

TE FAATERERAA TIA.

Aita roa’tu te haapaoraa “Moromona” e faahepo e e haamăta’u atu i te taata; e aratai râ i te taata, e haapii atu ma te mărû, e haamaramarama’tu, e a’o atu, e e parau faaite noa’tu i te nehenehe e te maitai rahi e te viivii ore o te mau ture mo’a i heheuhia mai ia tatou nei, e aratai-maitie-hia’i te taata atoa i roto i te amuiraa hoê, e faarirohia’i ratou atoa ei hoê ia au maite ratou atoa te tahi i te tahi, e ia pee noa ratou i te parau mau e te parau-tia ma te hiaai mau o te aau i te reira, e eiaha no te mea ua haamăta’uhia’tu.— Erasa Sinoo, Aposetolo.

E UTUA TO TE MAU TURE ATOA.

O te evanelia te ture tia roa o te tiamâ. Ua faatiahia e te ekalesia te mau mea atoa e maitai ai te taata nei, e maha roa’i te mau hinaaro tia atoa ra.

Eiaha râ e mana’o e roaa’i to te taata nei tiamâ i te raveraa i te hara e i te haapaoraa i te mau mea e viivii ai te hiero o te Varua Maitai. E utua tamau roa to te mau ture atoa, to te mau ture o tei parauhia e no te tino nei, e to te mau ture atoa hoi o tei parauhia e no te varua. Mai te taata e tuu i to’na rima i nia i te hoê auri veavea, e haamauiuihia’i oia, eita ia e ore te mauui i te iri mai i nia ia’na. E ore e tia i te hoê mea ino ia ô i roto i te basileia e ia tia i mua i te aro o te Atua. Ia haroaroahia teie e te taata atoa i to ratou apîraa e tia’i, a faaau maite ai ratou i ta ratou mau ohipa atoa i te parau mau.— Iosepha F. Semita.

Te Mau Parau Rii Api.

No te taupupu o te mau mutoi i te faaore i te ohipa taeroraa ava i roto i te oire ra o Bayard i te hau Iowa i te fenua Amerika ua maitihia te hoê tomite ei faaore roa i taua ohipa ra. Tera ta ratou ravea faaoreraa: Ua na muahia te parau i te porohia e, eiaha te taata e faataero pinepine i te ava; aita râ taua parau i porohia ra i haapaohia, e no reira i te 22 no Setepa ua ravehia na taata taero ava tooono, e ua aratai-haere-hia na nia i te mau purumu o te oire ia iteahia e te taata atoa, e i muri a'era, ua paraihia to ratou tino i te fâ ereere, a tapirihia'i i te huruhuru moa e ati noa'e, e tuu-noa-hia'tura. Ua na reirahia ei faaararaa i te taata atoa eiaha ratou e inu faataero i te ava. E ere râ te reira i te ravea maitai; e peu haru toroa râ, e tiarepuhia'i te taata atoa. Tera râ te ravea tia, ia faaitoitohia te feia faatere hau e te mau mutoi ia rave itoitou ratou i te ohipa o to ratou mau toroa, e aore râ ia maiti i te mau faatere hau haapao maitai apî.

Ua tausani te rata i papaihia i te mahana hoê nei i roto i te tahi mau fare toa rarahi e te tahi mau sotaiete huru rau i te mau fenua rarahi o teie nei ao. Ua riro te ohipa papairaa rata ei ohipa iti rahi, e no reira, ua imi hua te tahi mau taata maramarama e te aravihi i te tahi ravea vitiviti e oti oioi ai te ohipa papairaa rata. E rave rahi te mau machine i hamanihia na ei faaoioi i te ohipa papairaa rata, aita râ ratou i faaea noa'i i te feruri hohonu â ia itea te ravea e hau ê atu i te maitai. I teie nei râ ua parauhia e ua itea te ravea maitai roa, e ua hamanihia te hoê machine e papai noa i te mau rata e rave rahi aita te rima taata. Mai tera ia te huru o te papairaa: E parau noa'tu te fatu rave ohipa i te mau parau e rave rahi ta'na e hinaaro ia haponu atu i tera taata i tera taata i tera fenua i tera fenua i roto i te machine, e vaiiho noa'i i roto i te auri ia faaoti, e na taua auri ra e papai noa i taua mau parau atoa nei, e faataa hoi i te mau rata te tahi i te tahi, e papai i te i'oa i nia i te pute rata, e tapiri atu ai hoi i te titiro, ia ineine maitai ia tuu-noa-hia i roto i te fare vea. Na roto i te ite rahi e te ohipa paari-a te taata ua faarirohia te mea auri ei mea rave ohipa mai te taata nei te huru, mai te mea ra e e mana'oraa to'na. E maere noa te aau i te hi'oraa. Ua hau te ite o to teie nei anotau hopea nei i to te mau tau atoa mai te matamua mai â. Ua faaite atea na Daniela i te reira. Dan. 12: 4.

Toae a Maire, Faaau Parau,

Rue Dumont d'Urville, Orovini, Papeete, Tahiti.

Frank Cutler, Imprimeur,

Rue Bréa et de la rue Dumont d'Urville, Papeete, Tahiti.